



**Podijelite
ljubav
koju nosite
u sebi...**



--	--	--	--

POTPIS NALOGODAVCA



OSNOVA		PRIMALAC		OSNOVA	
IZNOS		DATUM VALUTACIJE - DATUM PLAĆANJA	ŠIFRA	IZNOS	
	KM				KM
TRANSAKCIJSKI RAČUN		TRANSAKCIJSKI RAČUN		TRANSAKCIJSKI RAČUN	
		161-000-00000000-11		161-000-00000000-11	
REFERenca		REFERenca		REFERenca	
IME - ADRESA - MJESTO		IME		IME - ADRESA - MJESTO	
		SOS DJEČIJA SELA BIH			
		ADRESA			
		Semira Frašte bb / 033 465 053			
		MJESTO			
		71000 SARAJEVO			
UPIS BANAKA					

Pozicija predviđena za potvrdu plaćanja

Referenca	X	Broj računa	X	Iznos	X	Šifra trasata	X	Tekst
-----------	---	-------------	---	-------	---	---------------	---	-------

Molimo Vas da na ovom mjestu nepišete i ne stavljate pečat!

Dragi prijatelji i prijateljice,



Kada sam počela raditi u SOS Dječijim selima, zapitala sam se: „kako osoba odluči postati SOS roditelj?“ Odgovornost koju ovaj poziv nosi je ogromna. SOS roditelji svakodnevno čuju mnoge emotivne i dirljive dječije priče, a strpljenja i ljubavi ne smije manjkati. Kroz svoj posao upoznala sam mnoge SOS majke. Neke od njih imaju biološku djecu, neke ne, i svaka od njih je na ovo mjesto stigla na različite načine, ali svima im je zajednička predanost i ljubav prema djeci. Ipak, jedna životna priča pokazuje da su putevi ispred nas zaista potpuno nepredvidivi. Larisa, koja je kao djevojčica bez roditeljske skrbi stigla u naše SOS Dječije selo, nedavno je započela svoju ulogu sa druge strane – ulogu SOS majke.

Stigavši u SOS Dječije selo, Larisa je imala samo 8 godina. Bio je to, kako sama kaže, jedan od najvažnijih trenutaka u njenom životu, jer je već od ranije bila svjesna svoje dotadašnje okoline i problema sa kojima se kao mala suočavala. Njena SOS mama Alma bila je puna ljubavi, razumijevanja i nježnosti, te je Larisa u svom novom domu osjetila sigurnost i mir. Ako je pitate koja je njena najdraža uspomena iz perioda odrastanja u SOS Dječijem selu u Sarajevu, kaže da je to trenutak kada je dobila svoju sobu. Ispunjena plišanim igračkama, bila je pravi mali kutak Larisine sigurnosti, a osjećaj topline i pripadnosti koji je dobila tada, Larisa kaže, nosi cijeli život. Svi bezbrižni trenuci, puni smijeha, igre sa SOS braćom i sestrama, ljubavi koju pruža SOS majka, u velikoj mjeri su doprinijeli tome da Larisa odluči postati SOS mama i na taj način pruži djeci bez roditeljskog staranja sve ono što je u SOS porodici pruženo njoj.

„Znam kroz šta sve djeca prolaze, a to su u najvećoj mjeri nesigurnost, strah, osjećaj nepripadanja, ali sam isto tako svjesna koliko ljubav, razumijevanje i podrška mogu promijeniti nečiji život. Moja SOS mama bila je moj oslonac, vodilja i neko ko me učio kako da postanem najbolja verzija sebe. I nakon što sam napustila SOS selo, ostala je uz mene kao moj prijatelj, savjetnik i podrška”

Ovim riječima opisuje Larisa svoje iskustvo odrastanja u SOS Dječijim selima, ali i želju koja ju je vodila da danas ona pruži brojnoj djeci toplinu i dom koji zaslužuje svako dijete. Larisa je znala da je posao SOS majke izuzetno odgovoran i izazovan te se, kako kaže, na početku pitala da li će biti dovoljno dobra i hoće li je djeca prihvatiti. Priznaje da je u prvim danima njenog boravka u SOS porodici postojala mala, očekivana distanca između mališana i nje, ali naša Larisa se nije dala pokolebati! Kroz razne zajedničke aktivnosti, igru u prirodi, odlaske u šetnje, spremanje omiljenih jela, polako ali sigurno uvukla se u srca naših mališana. Sada, nakon skoro dva mjeseca njenog novog radnog, ali i životnog mjesta, postali su prava pravcata porodica. SOS mama Larisa je uvijek tu za svako dijete i spremna je uhvatiti se u koštac sa svim situacijama koje život nosi.

“Sjećam se drugog ili trećeg dana mog rada – okupila sam djecu u dnevnom boravku i rekla im otvorenog srca da sam tu za njih. Rekla sam im da bez obzira na to da li imaju veliki ili mali problem, uvijek mogu doći i podijeliti sa mnom, jer ćemo ga zajedno riješiti. Taj trenutak bio je prekretnica, otvorili su mi se, podijelili sa mnom svoje priče i tada sam znala da sam stekla njihovo povjerenje. Djeca trebaju osjećaj pripadnosti, a mi odrasli im to možemo pružiti iskreno, s ljubavlju i razumijevanjem”

Izuzetno smo sretni i ponosni što možemo uspješne i emotivne priče iz naših SOS Dječijih sela podijeliti sa vama, a jedna od njih je sasvim sigurno priča o SOS mami Larisi. Za kraj, ona nam poručuje: “Podijelite ljubav koju nosite u sebi, jer nema ljepšeg osjećaja nego kada znate da ste nekome promijenili život na bolje”. Vi, naši dragi prijatelji, već godinama unazad dijelite vašu ljubav i podršku sa nama i na tome smo vam beskrajno zahvalni. Ako i u vremenu koje je ispred nas odlučite podržati nas, možete iskoristiti uplatnice koje vam šaljemo u prilogu. Larisa je naš dokaz da ljubav i briga mijenjaju svijet, a radujemo se što i vi uljepšavate život djeci bez roditeljskog staranja o kojoj brinemo.

Šaljemo vam ljubav i zahvalnost,
SOS Dječija sela u BiH

*Zbog zaštite privatnosti imena su izmijenjena.

NIJEDNO DIJETE
NE TREBA
ODRASTATI SAMO.

